

Protocol fat bun da la radunanza cumünala dals 12 avrigl 2012

Protocol no. 16 **Radunanza cumünala dals 15 december 2011, 20.15 – 23.00**

Preschaintas: 65 persunas

S-chüsà: Cla Sarott

Il capo constata cha la radunanza saja gnüda convocada in basa a nossa constituziun cumünala e dumonda sch'inchün haja da far objecziuns. Sainza chi vegnan fattas objecziuns, vegnan nominats seguaints scrutinadurs: Jon Cantieni ed Seraina Fried.

Protocols:

Il protocol no. 15 da la radunanza cumünala dals 16. november 2011 vain prelet. Ün votant fa repetidamaing ün'objecziun a regard la cumplettaziun dal protocol no. 12 tractanda 2. Il capo repetta cha tala cumplettaziun es gnüda effectuada aint il protocol no. 12 e cha tal protocol es eir stat publichà culla cumplettaziun da la tractanda 2. Il protocol no. 15 vain approvà sainz'opposiziun.

1 9 FINANZAS ED IMPOSTAS **Pè d'impostas per l'on 2012**

Causa cha tenor il plan da finanzas pels ons 2012 - 2016 sun previsas considerablas ma eir fich necessarias investiziuns e vezziuns cha'l pè d'impostas sbassà avant ün on per 15% nu s'affà culla situaziun finanziaria chi sarà da preverer pels prossems ons pel cumün da Sent, propuona il Cussagl cumünal da dozzar darcheu il pè d'impostas sün 120% da l'imposta chantunala. Our dal ravuogl da la radunanza vain fatta la cuntraproposta da laschar per intant il pè d'impostas sün 105% da l'imposta chantunala. Il motiv per quista proposta es tanter oter, cha'l pè d'impostas stuvess esser sül nivel dals cumüns vaschins per restar sco cumün attractiv per glied chi vuless as domiciliar quia. La discussiun es animada e sün giavüsch da la majorità da la radunanza vain in seguit vuschà in scruttin serrà sur da las duos propostas. La radunanza decida cun 43 cunter 22 vuschs da laschar il pè d'impostas sün 105% da l'imposta chantunala simpla.

2 9 FINANZAS ED IMPOSTAS **Preventiv pel 2012 – Quint da gestiun**

Il capo ed ils schefs dals differents decasteris repassan il quint da gestiun in dond las spiegaziuns necessarias. Il preventiv da la gestiun muossa pro sortidas da frs. 7'976'150.-- ed entradas da frs. 7'785'190.-- , davò chi sun previsas amortisaziuns da frs. 363'000.-- , ün schavd da frs. 190'960.-- .

La proposta our dal ravuogl da la radunanza da vulair redüer sco masüra da spargnar il mandat surdat a la pulizia chantunala da frs. 65'000.-- sün frs. 10'000.-- vain sbüttada cun 56 cunter 8 vuschs cun reteg d'üna vusch.

La radunanza accepta il preventiv pel quint da gestiun cun gronda majorità

FINANZAS ED IMPOSTAS

Preventiv pel 2012 – Quint d'investiziuns

Il capo repassa insembel culs schefs dals decasteris il quint d'investiziuns pel 2012. Quel prevezza pro sortidas da frs. 2'763'000.-- ed entradas da frs. 1'171'700.-- ün'investiziun netta da frs. 1'591'300.-- . Tenor las preschantaziuns dals differents schefs sun previsas per l'on 2012 sper las investiziuns ill'infrastructura tanter oter amo las sequaintas investiziuns plü grondas:

- La part vi d'ün vehicul nouv pels pumpiers Pisoc tenor la clav da scumpart
- La sanaziun da las plazzas da scoula sco prüm'etappa da la sanaziun da la chasa da scoula
- La cumplettaziun da l'implant d'innaiver da la pista da sömme.
- La sanaziun dal clucher
- La sanaziun da la manisaziun dal provedimaint d'aua

L'import per la cumrpita dal stabilimaint da la Posta figürescha bainschi i'l quint d'investiziuns, l'affar sto però amo gnir suottamis a la radunaza d'urna.

La radunanza accepta il preventiv pel quint d'investiziuns cun gronda majorità.

4 Varia

Sün dumonda d'ün votant scha la radunanza nu vess da decider sur da la quota a regard la vendita da terrains e bains ad esters responda il capo cha sur da la quota haja la radunanza be da decider scha quella vess da gnir müdada.

In vista chi nun aintran ulteriuras dumondas ed intimaziuns suot la tractanda varia serra il capo la radunanza.

L'actuara: